



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De alia matrona, quae filias à luporaptas, per imaginem recepit, cap. 46.

urn:nbn:de:hbz:466:1-13177

super ipsam tabulã vulnere visibili percussus spumans
expirauit. Et quid dicam de verbis cõtumeliosis, cum
etiam stultiloquia sine felle malitiã, contra sanctã
Dei genitricis imaginem prolata, nouerim in præsen-
ti acriter satis punita.

CAPVT XLV.

IN capella castri Veldensis, quãdam vetus imago *Stultilo-*
est beatã Virginis, in sinu tenens filium, non qui- *quã con-*
dem per opus bene formata, sed multa virtute do- *tra iacẽ*
rata: Matrona quãdam eiusdem castri, quod situm est *pleniũ*
in diocesi Treuerensi, die quadam in capella stans,
ipsamque iconam respiciens, & scripturã indignans,
ait: Ut quid hïc stat vetus hæc rumbula? Beata verò
Maria, mater misericordiã, feminam stultiloquam,
non vt arbitror apud filium accusans, sed pœnam pro
culpa futuram, alteri cuidam matronã dicens, ait:
Quia domina illa, nomine eam designãs, vocauit me
veterem rumbulam, semper misera erit quoad viuet.
Post paucos dies, ab omnibus suis bonis mobilibus &
immobilibus a filio proprio ejecta, miserabiliter satis
vsque hodie mendicat, pœnam luens stultiloquij. Ec-
ce sic beata Virgo diligentes se diligit & honorat; cõ-
temnentes se punit & humiliat. APOLLONIVS: Si sa-
cras imagines contemnentes tantam incurrunt pœ-
nam, puto quòd venerantes illas, magnam mereantur
gratiam. CAESARIVS: Hæc in sequentibus plenius
cognosces.

CAPVT XLVI.

IN prædicto castro, matrona quãdam habitat ho-
nesta ac deuota, nomine Iutta. Hæc est illa, cui
beata Virgo verba probrosa in suam iconam pro-
lata, conquesta est: & meritò, summo enim honore
eandem imaginem veneratur, salutationes, oratio-
nes, multasque venias coram illa faciens. Tempore
quodam, cum filiam paruulam in villam proximam
nutriendam tradidisset, & infantula iam triennis in
arã luderet, lupus ludentem, quibusdam aspicienti-
bus, illam per gulam rapuit, raptamque in dorsum
suum mittens, siluas vicinas petiuit: quem aliqui cum

*Venera-
tio sacra
rũ ima-
ginũ vir-
gis &
Deo gra-
tia est.*

clamore insecuti, sine ereptione puellulæ, tristes sunt reuerſi: ex quibus vnus in castrum cucurrit, & matri, in mensa ſedenti, raptum filia nuncians, ait: Domina, lupus comedit filiam vestram. Cui illa, turbata nimis, respondit: Certè lupus non comedit filiam meam: mox tamen mensa amota surrexit, & in multa cordis amaritudine capellam intrans, imaginem Saluatoris de sinu matris euulſit, stasque contra illam cum multis lacrymis in hæc verba prorupit: Domina, nūquam rehabebitis puerū vestrum, nisi mihi incolumem restituaris puerum meum. Mira humilitas Reginae cœli, quasi timeret carere filio suo, si mulier non rehaberet filiam, lupo protinus imperauit, & ille puellam dimisit. Insecuti sunt plures de villa lupi vestigia, cū puellæ reliquias ad tumulandum quærerent, iuxta quoddā fruterū illam deābulantē repererūt; cui cū dicerēt: Vnde venis bona filia? respondit illa: Mūm mordit me, vestigia enim dentium lupi in guttore eius, cuti superficie tenus incisa, apparuerunt, in testimonium tanti miraculi ad hoc reseruata. Tunc filiam ad matrem ducētes, mox vt illam vidit sanam, effecta lætissima, cum gratiarum actione ad imaginem sacram cucurrit, & puerum suum ei restituens, ait: Quia restituiſti mihi filiam meam, en tibi restituo filium tuum. Hæc mihi relata sunt a sæpe dicto Hermanno Abbate loci sanctæ Mariæ, qui puellam vidit, & a matris ore, quæ dicta sunt, audiuit. Cū adhuc Prior eſſet in Hemmenrode, & firmum haberet propositum resignare prioratus officium, prædicta matrona ab Abbate eius, domino Eustachio, quem hospitio receperat, vt sibi eum trāsmitteret petiuit, & obtinuit: quæ ante imaginem Dei genitricis ducēs, ne officium suū resignaret, admonuit: Deo, inquit, non placet, si resignaretis: cui cū ille diceret: Vnde hoc noſtis? respondit illa: Nemo mihi hoc reuelauit, nisi domina ista, digito imaginem ostendens. Multa siquidem eidem deuotæ feminae per sacram illam imaginem reuelantur, plurima per illam beneficia cōsequitur. APOLLONIVS: Nesciui hactenus tantas eſſe consolationes in ima-

ima-

imaginibus sanctorum. CAESARIUS: Multas sancti in suis, & per suas imagines virtutes operantur, maxime in illis locis ubi venerantur: nunquid non recordaris iuuenis apostata iuxta Floreham, qui per imaginem beatæ Virginis consecutus est indulgentiam? Similiter & sanctimonialis, quæ ab eius imagine alapa suscepta, periculosam euasit tentationem. APOLLONIVS: Vtriusque bene memini, primi videlicet miraculi in distinct. secunda, cap. 12. & secundi in distinct. presenti cap. 33. & stupor inuadit me, cum in lignis audio vocem ad loquendum, manus ad ferendum, corporis incutuationem, erectionem, sessionem, & reliquos motus vitales. Magis hæc admiror, quam loquelam asinæ contra Balaam, illa enim animam habebat motabilem; in lignis, lapidibus, siue metallis, nullus spiritus est. CAESARIUS: Diuinus spiritus in creatura est per essentiam, & per potentiam, cui nihil impossibile est, & nihil miraculosum, qui ad honorem sanctorum suorum hæc & huiusmodi similia quotidie operatur. De imagine verò beatæ Virginis referam tibi quandam visionem mirificam, quæ ante hoc triennium facta est.

CAPVT XLVII.

IN introitu Frisæ, iuxta ciuitatem Gruningen, cenobium quoddam sanctimonialium ordinis nostri de nouo constructum est, vocabulo Iesse: quæ dicturus sum, a Priore loci eiusdem audiui, & circa idem tempus imaginem ipsam vidi, & missam coram ipsa celebraui: est enim opere angelico deceter exculpta, effigiem representans beatæ virginis filium in gremio tenentis. Die quadam, cum custos candelam quæ ante illam ardebat, dicta missa extinxisset, & duo carpentarij oratorium, propter opus suum intrantes, illam reaccensam reperissent, dixerunt Priori: Domine, nisi moneatis Custodem, vt cauta sit circa extinctionem huius candelæ, oratorium perdetis; omnia enim lignea sunt, altare scilicet, candelabrum, parietes. Vocata est illa & culpata, negauit, & extinxit. Carpentarij denuo ingressi, cum prædictam candelam rursus ardere

ardere